

Kelab In-Smartive UMP terus berbakti



Sungai Petani: Seramai 35 mahasiswa Universiti Malaysia Pahang (UMP) memanfaatkan cuti semesta dengan berbakti kepada warga emas dan mengadakan sesi motivasi untuk pelajar sekolah di sini, baru-baru ini.

Pengurus program, Muhammad Amin Mohd Fauzi, berkata pengalaman menyentuh hati ketika beramah mesra dengan 250 penghuni Rumah Seri Kenangan (RSK) Bedong menimbulkan keinsafan peserta untuk memberi perhatian kepada warga emas yang memerlukan perhatian.

"Mahasiswa berpengalaman menguruskan kebersihan diri dan sanitasi warga emas yang terlantar di rumah kebajikan itu termasuk mengerat kuku,



Mahasiswa UMP bersama pelajar SEMUI menayakan Projek Semaian Budi di Sungai Petani, Kedah; baru-baru ini. BH (Variasi) Khamis 9/3/13 44/177

menggunting rambut, menyuap makanan dan memandikan mereka," katanya.

Penguasa RSK Bedong, Shahrin Nizar Azudin memuji inisiatif Kelab In-Smartive UMP menganjurkan program itu kerana ia dapat memupuk keprihatinan mahasiswa untuk mendekati warga emas yang kurang bernasib baik.

Program itu turut men-



dapat sokongan Jabatan Hal Ehwal Pelajar & Alumni serta Jabatan Kebajikan Masyarakat Kedah.

Selain itu, turut diadakan program motivasi membabitkan pelajar tingkatan lima Sekolah Menengah Sains Sultan Mohamad Jiwa (SEMUI) yang bertujuan membimbing mereka mencapai kecemerlangan dalam Sijil Pelajaran Malaysia (SPM).